



REPUBLIEK VAN SUID-AFRIKAA

STAATSKOERANT

As 'n Nuusblad by die Poskantoor Geregistreer

Vol. 420

KAAPSTAD, 9 JUNIE 2000

No. 21270

DIE PRESIDENSIE

No. 595.

9 Junie 2000

Hierby word bekend gemaak dat die Waarnemende President sy goedkeuring gegee het aan die onderstaande Wet wat hierby ter algemene inligting gepubliseer word:—

No. 16 van 2000: Wet op die Verdeling van Inkomste, 2000.

*(Engelse teks deur die Waarnemende President geteken.)
(Goedgekeur op 7 Junie 2000.)*

WET

Om voorsiening te maak vir die billike verdeling van inkomste wat nasionaal ingevorder word tussen die nasionale, provinsiale en plaaslike regeringsfere vir die boekjaar 2000/2001; en om voorsiening te maak vir aangeleenthede wat daarmee in verband staan.

AANHEF

NADEMAAL artikel 214(1) van die Grondwet vereis dat 'n Parlements wet voorsiening moet maak vir—

- (a) die billike verdeling tussen die nasionale, provinsiale en plaaslike regeringsfere van inkomste wat nasionaal ingevorder word;
- (b) die bepaling van elke provinsie se billike deel van die provinsiale deel van daardie inkomste; en
- (c) enige ander toekennings aan provinsies, plaaslike regering of munisipaliteite uit die nasionale regering se deel van daardie inkomste, en enige voorwaardes waarop daardie toekennings gedoen kan word,

WORD DAAR DERHALWE BEPAAL deur die Parlement van die Republiek van Suid-Afrika, soos volg:—

Woordomskrywing

1. In hierdie Wet, tensy uit die samehang anders blyk, beteken—
 - (i) “afgelepe boekjaar” die boekjaar van die nasionale en provinsiale regeringsfere wat op 1 April 1999 begin het en op 31 Maart 2000 eindig; (xv) 5
 - (ii) “afgelepe munisipale boekjaar” die boekjaar van die plaaslike regeringsfeer wat op 1 Julie 1999 begin het en op 30 Junie 2000 eindig; (xvi)
 - (iii) “betalingskedsule” ’n skedsule wat—
 - (a) die bedrag bepaal van elke paaie ment van ’n billike deel of ’n toekenning wat vir die boekjaar aan ’n provinsie, munisipaliteit of Sapro oorgedra moet word; 10
 - (b) die datum bepaal waarop elk van die paaie mente betaal moet word; en
 - (c) bepaal aan wie elke paaie ment betaal moet word; (xvii)
 - (iv) “boekjaar” die boekjaar van die nasionale en provinsiale regeringsfere wat op 1 April 2000 begin en op 31 Maart 2001 eindig; (v) 15
 - (v) “departement” ’n nasionale departement bedoel in artikel 7(2) van die Staatsdienswet, 1994 (Proklamasie No. 103 van 1994); (ii)
 - (vi) “Direkteur-generaal” die Direkteur-generaal van die Departement van Finansies; (iii) 20
 - (vii) “Grondwet” die Grondwet van die Republiek van Suid-Afrika, 1996 (Wet No. 108 van 1996); (i)
 - (viii) “hoofbe ampte van die provinsiale tesourie” die be ampte in beheer van die provinsiale departement wat verantwoordelik is vir finansiële aangeleenthede in ’n provinsie; (vi) 25
 - (ix) “Minister” die Minister van Finansies; (vii)

- (x) "Minmec" die vergadering tussen 'n Minister van die Kabinet in die nasionale regereingsfeer verantwoordelik vir bepaalde werksaamhede en die provinsiale Lede van die Uitvoerende Gesag wat verantwoordelik is vir soortgelyke werksaamhede in die provinsiale regeringsfeer; (viii) 5
- (xi) "munisipaliteit" 'n plaaslike regeringsliggaam in artikel 155 van die Grondwet voorsien; (ix) 5
- (xii) "munisipale boekjaar" die boekjaar van die plaaslike regeringsfeer wat op 1 Julie 2000 begin en op 30 Junie 2001 eindig; (xi)
- (xiii) "munisipale rekenpligtige beampte" die hoof- uitvoerende beampte van 'n munisipaliteit; (x) 10
- (xiv) "nasionale rekenpligtige beampte" die hoof van 'n departement of 'n statutêre fonds in die nasionale regeringsfeer of sodanige ander persoon wat regtens goedgekeur of beveel is deur die betrokke tesourie om die rekenpligtige beampte te wees van 'n departement of fonds in die nasionale regeringsfeer, en wat belas is met enige van die verantwoordelikhede van rekenpligtige beamptes uiteengesit in Deel 2 van Hoofstuk 5 van die Wet op Openbare Finansiële Bestuur; (xii) 15
- (xv) "ontvangsbeampte"—
 - (a) ten aansien van 'n Bylae 3A-toekenning of 'n Bylae 3B-toekenning wat nie na 'n munisipaliteit oorgedra is nie maar wat ingevolge 'n provinsiale Begrotingswet deur 'n provinsie tot voordeel van 'n munisipaliteit aangewend gaan word, of 'n Bylae 3C-toekenning, die rekenpligtige beampte van 'n provinsiale departement wat 'n toekenning in enige sodanige Bylae uiteengesit, ontvang; of 20
 - (b) ten aansien van 'n Bylae 3B-toekenning wat regstreeks of deur 'n provinsie aan 'n munisipaliteit oorgedra word, of 'n Bylae 3C-toekenning, die rekenpligtige beampte van 'n munisipaliteit wat 'n toekenning in enige sodanige Bylae vervat, ontvang; (xxi) 25
- (xvi) "oordragings- nasionale beampte" die rekenpligtige beampte verantwoordelik vir 'n nasionale departement wat 'n Bylae 3A-, 3B- of 3C-toekenning aan 'n provinsie of munisipaliteit oordra; (xxiv) 30
- (xvii) "oordragings- provinsiale beampte" die rekenpligtige beampte verantwoordelik vir 'n provinsiale departement wat 'n Bylae 3B- of 3C-toekenning ontvang met die oog daarop om dit aan munisipaliteite in daardie provinsie oor te dra; (xxv) 35
- (xviii) "provinsiale rekenpligtige beampte" die hoof van 'n departement of 'n statutêre fonds in die provinsiale regeringsfeer of sodanige ander persoon wat regtens goedgekeur of beveel is deur die betrokke tesourie om die rekenpligtige beampte te wees van 'n departement of fonds in die provinsiale regeringsfeer, en wat belas is met enige van die verantwoordelikhede van rekenpligtige beamptes uiteengesit in Deel 2 van Hoofstuk 5 van die Wet op Openbare Finansiële Bestuur; (xix) 40
- (xix) "R293-dorp" 'n dorpsgebied binne die bedoeling van Proklamasie No. R293 van 1962 of enige ander dergelike dorp wat deur die Minister wat vir plaaslike regering verantwoordelik is, goedgekeur is; (xxii) 45
- (xx) "Sapro" die organisasie wat ingevolge artikel 2(1)(a) van die Wet op Georganiseerde Plaaslike Regering, 1997 (Wet No. 52 van 1997), erken word; (xxiii)
- (xxi) "uitvoeringsgesag" die uitvoeringsgesag omskryf in artikel 1 van die Staatsdienswet, 1994; (iv) 50
- (xxii) "volgende boekjaar" die boekjaar van die nasionale en provinsiale regeringsfere wat op 1 April 2001 begin en op 31 Maart 2002 eindig; (xiii)
- (xxiii) "volgende munisipale boekjaar" die boekjaar van die plaaslike regeringsfeer wat op 1 Julie 2001 begin en op 30 Junie 2002 eindig; (xiv)
- (xxiv) "voorgeskryf" by regulasie kragtens hierdie Wet voorgeskryf; (xviii) 55
- (xxv) "Wet op Openbare Finansiële Bestuur" die Wet op Openbare Finansiële Bestuur, 1999 (Wet No. 1 van 1999). (xx)

DEEL I**TOEWYSING VAN BILLIKE DEEL****Billike verdeling tussen regeringsfere van inkomste wat nasionaal ingevorder word**

2. Verwagte inkomste wat nasionaal ten opsigte van die boekjaar ingevorder word, word vir hulle billike deel tussen die nasionale, provinsiale en plaaslike regeringsfere verdeel soos in Bylae 1 uiteengesit. 5

Tekorte en oorskotinkomste

3. (1) Indien werklike inkomste wat nasionaal ten opsigte van die boekjaar ingevorder word, minder is as die verwagte inkomste in Bylae 1 uiteengesit, dra die nasionale regering die tekort. 10

(2) Indien werklike inkomste wat nasionaal ten opsigte van die boekjaar ingevorder word, die verwagte inkomste uiteengesit in Bylae 1 oorskry, val die oorskot die nasionale regering toe.

Billike verdeling van provinsiale deel tussen provinsies

4. (1) Elke provinsie se billike deel van die provinsiale deel van verwagte inkomste wat nasionaal ten opsigte van die boekjaar ingevorder word, word in Bylae 2 uiteengesit. 15

(2) Elke provinsie se billike deel van die provinsiale deel van verwagte inkomste wat nasionaal ingevorder word ten opsigte van die boekjaar moet aan die provinsie in weeklikse paaielemente oorgedra word ooreenkomstig 'n betalingskedule deur die Direkteur-generaal bepaal na oorlegpleging met die hoofbeamptes van die provinsiale tesourieë. 20

(3) Ondanks subartikel (2) kan die Direkteur-generaal, op voorwaardes wat die Minister bepaal, geld aan 'n provinsie voorskiet ten opsigte van sy billike deel in Bylae 2 uiteengesit wat nie reeds vir oordrag betaalbaar is nie ooreenkomstig die betalingskedule bedoel in subartikel (2) ten opsigte van daardie provinsie. 25

(4) Die voorskotte in subartikel (3) beoog, moet verreken word teen oordragte aan die provinsie wat andersins betaalbaar raak ingevolge daardie betalingskedule.

Billike deel vir plaaslike regering

5. (1) Die plaaslike regeringsfeer se billike deel van verwagte inkomste wat nasionaal ingevorder word, word in Bylae 1 uiteengesit. 30

(2) Die nasionale rekenpligtige beampte verantwoordelik vir plaaslike regering moet die toewysing ten opsigte van hierdie billike deel aan Sapro en aan munisipaliteite bepaal.

(3) Die maatstawwe vir die bepaling van die deel in subartikel (2) beoog, moet geskied ooreenkomstig 'n raamwerk wat die Direkteur-generaal goedgekeur het na inagneming van enige aanbevelings deur Sapro. 35

(4) Die toewysing aan elke liggaam in subartikel (2) bedoel, moet aan die betrokke liggaam oorgedra word in maandelikse of kwartaallikse paaielemente ooreenkomstig 'n betalingskedule wat die nasionale rekenpligtige beampte verantwoordelik vir plaaslike regering bepaal. 40

DEEL II**ANDER TOEWYSINGS****Ander toewysings aan provinsies en munisipaliteite**

6. (1) Ander toewysings aan provinsies en munisipaliteite uit die nasionale regering se deel van verwagte inkomste wat nasionaal ten opsigte van die boekjaar ingevorder word, en enige bykomende voorwaardes waarop daardie toewysings gedoen word, word in Bylaes 3A, 3B en 3C uiteengesit. 45

(2) Behoudens artikel 226 van die Grondwet en enige voorwaardes aan 'n toekenning verbonde, kan 'n provinsie of munisipaliteit, tensy die Direkteur-generaal anders gelas, enige geld wat nie uitgegee is nie ten aansien van 'n toewysing in Bylae 3A of 3B uiteengesit, behou.

(3) In hierdie Wet—

- (a) bevat Bylae 3A voorwaardelike toekennings en enige ander toekennings wat deur 'n departement aan 'n provinsie oorgedra is ten einde programme wat binne die funksionele gebiede van provinsiale bevoegdheid val, te finansier;
- (b) bevat Bylae 3B voorwaardelike toekennings en enige ander toekennings wat regstreeks, of deur 'n provinsie, deur 'n departement aan 'n munisipaliteit oorgedra is of wat 'n provinsie ingevolge 'n Begrotingswet aanwend ten einde programme wat binne die funksionele gebiede van provinsiale bevoegdheid val, te finansier;
- (c) bevat Bylae 3C agentskapsbetalings wat namens 'n departement gedoen moet word, toekennings wat nog tussen sfere verdeel moet word en wat die Minister by kennisgewing in die *Staatskoerant* as hetsy Bylae 3A- of 3B-toekennings, agentskapsbetalings of enige ander toekenning kan toewys.

Voorwaardelike toekennings

7. (1) Die oordragings- nasionale beampte verantwoordelik vir 'n voorwaardelike toekenning in Bylae 3A of Bylae 3B uiteengesit, moet teen 1 April 2000 of sodanige datum waarop met die Direkteur-generaal ooreengekom word, maar nie later nie as 30 Junie 2000, minstens die volgende inligting aan die Direkteur-generaal voorlê:

- (a) Die doel en voorwaardes, indien daar is, van die toekenning;
- (b) die beoogde maatstawwe vir die verdeling van daardie toekenning tussen die provinsies;
- (c) enige gepaardgaande koste, met inbegrip van enige toekomstige koste wat regstreeks of onregstreeks uit die die toekenning ontstaan maar nie daardeur gedek word nie;
- (d) die moniterings- en verslagdoeningsmeganismes vir daardie toekenning;
- (e) die beoogde betalingskedsule vir daardie toekenning;
- (f) ooreenkomste, indien daar is, van die Minmec met betrekking tot daardie toekenning; en
- (g) die ander inligting wat deur die Direkteur-generaal versoek word.

(2) 'n Oordragings- nasionale beampte moet teen 1 April 2000 of die later datum waarop met die Direkteur-generaal ooreengekom is, maar nie later nie as 30 Junie 2000, aan die Direkteur-generaal sertifiseer dat alle ooreenkomste, besigheidsplanne, betalingskedsules en enige ander vereistes wat nodig geag word sodat geld na 'n provinsie of munisipaliteit oorgeplaas kan word, gereed is.

(3) Voordat die inligting wat in subartikels (1) en (2) vereis word, voorgelê word, moet die oordragings- nasionale beampte oorleg pleeg met die ontvangsbeampte ten aansien van 'n toekenning aan 'n provinsie, of met Sapro ten aansien van 'n Bylae 3B-toekenning wat deur 'n munisipaliteit ontvang staan te word.

(4) Die Direkteur-generaal kan 'n toekenning van enige van die vereistes van subartikel (1), (2) of (3) vrystel.

(5) (a) Die oordragings- nasionale beampte moet ooreenkomstig 'n betalingskedsule wat deur die Direkteur-generaal bepaal is na oorleg met die hoofbeamptes van die provinsiale tesourieë ten opsigte van 'n deposito aan 'n Provinsiale Inkomstefonds, 'n Bylae 3A- of 3B-toekenning inbetaal in—

- (i) die tersaaklike provinsiale Inkomstefonds; of
- (ii) die tersaaklike munisipale bankrekening, in geval waar 'n Bylae 3B-toekenning regstreeks aan 'n munisipaliteit oorgedra word.

(b) Die oordragings- provinsiale beampte moet 'n Bylae 3B-toekenning ooreenkomstig 'n betalingskedsule wat deur die oordragings- nasionale beampte na oorlegpleging met die Direkteur-generaal bepaal is in die tersaaklike munisipale bankrekening inbetaal.

(6) Geld wat aan 'n provinsiale inkomstefonds oorgedra word, kan behoudens artikel 226 van die Grondwet onttrek word slegs—

- (a) ingevolge 'n bewilliging deur 'n provinsiale Wet; of
- (b) in die geval van 'n Bylae 3B-toekenning wat oorgedra is aan 'n munisipaliteit deur 'n provinsie, as 'n regstreekse las teen daardie Inkomstefonds.

(7) Die ontvangsbeampte van 'n Bylae 3A- of 3B-toekenning moet verseker dat—

- (a) dit behoorlik bestuur en daar rekenskap van gegee word;
- (b) die geld ooreenkomstig die doel en voorwaardes van die toekenning aangewend word; en
- (c) die verslagdoenings- en moniteringsmeganismes waarop ooreengekom is, nagekom word.

(8) (a) Die ontvangsbeampte in 'n munisipaliteit van 'n Bylae 3B- of 3C-toekenning moet aan 'n oordragings- provinsiale of nasionale beampte, na gelang van die geval, 'n verslag oor die toekenning doen in die voorgeskrewe vorm nie later nie as vyf werksdae na die einde van elke maand of die datum wat ten aansien van daardie toekenning voorgeskryf is.

(b) Die ontvangsbeampte in 'n provinsie ten aansien van 'n Bylae 3A- of 3C-toekenning of die oordragings- provinsiale beampte, na gelang van die geval, moet teen die tiende werksdag na elke maand of die datum wat ten aansien van daardie toekenning voorgeskryf is 'n verslag voorlê aan die hoof van die provinsiale tesourie en aan die oordragings- nasionale beampte.

(9) Die verslae beoog in subartikel (8) moet insluit—

- (a) 'n oorsig van werklike inkomste en uitgawes ten aansien van die toekenning vir 'n maand en die geraamde totale inkomste en uitgawes ten aansien van die toekenning vir die boekjaar, met inbegrip van die geraamde verpligtinge daarop vir die boekjaar;
- (b) die redes vir 'n geraamde onder- of oorbesteding op daardie toekenning en 'n beskrywing van die maatreëls wat getref gaan word om die onder- of oorbesteding te hanteer;
- (c) die geraamde oorrolgeld na die volgende boekjaar;
- (d) inligting oor hoe die provinsie of munisipaliteit wat 'n toekenning ontvang het aan die voorwaardes voldoen het; en
- (e) die ander inligting wat die Direkteur-generaal versoek.

(10) Die oordragings- nasionale beampte en die hoofbeampte van 'n provinsiale tesourie moet verseker dat elke verslag beoog in subartikel (9) in die voorgeskrewe vorm aan die Direkteur-generaal voorgelê word teen die vyftiende werksdag na die einde van daardie kwartaal of die datum waarop met die Direkteur-generaal ooreengekom is.

Agentskapsbetalings

8. (1) Die nasionale rekenpligtige beampte van 'n departement of provinsiale rekenpligtige beampte van 'n provinsiale departement verantwoordelik vir die oordra van 'n agentskapsbetaling is verantwoordelik vir die rekenpligtigheid vir daardie agentskapsbetaling en moet vir die doeleindes van daardie rekenpligtigheid teen 1 April 2000 of die datum waarop met die Direkteur-generaal ooreengekom word, maar nie later nie as 30 Junie 2000, ooreenkomste met die tersaaklike provinsiale of munisipale rekenpligtige beamptes sluit in verband met enige verantwoordelikhede en verpligtinge van die prinsipaal- en agentdepartemente betreffende daardie agentskapsbetaling, en moet 'n skedule wat daardie ooreenkomste in hooftrekke beskrywe aan die Direkteur-generaal voorlê indien hy of sy 'n nasionale rekenpligtige beampte is, of aan die hoofbeampte van die betrokke provinsiale tesourie indien hy of sy 'n provinsiale rekenpligtige beampte is.

(2) Behoudens subartikel (1) moet 'n agentskapsbetaling aan 'n provinsie in 'n bankrekening inbetaal word wat deur die hoofbeampte van 'n provinsiale tesourie goedgekeur is, behoudens die voorwaardes wat die hoofbeampte bepaal, en moet dit voldoen aan die raamwerk ingevolge artikel 7 van die Wet op Openbare Finansiële Bestuur.

(3) 'n Provinsie of munisipaliteit wat 'n agentskapsdiens verrig, kan vergoeding van twee persent of die ander bedrag waarop ooreengekom word, vra ten einde die onkoste aangegaan om die diens te lewer, te verhaal.

Toewysings ten aansien van kapitaaltoekennings

9. (1) Elke oordragings- nasionale beampte moet ten aansien van toekennings wat in Bylae 3A, 3B en 3C as kapitaaltoekennings geïdentifiseer is op 'n kwartaallikse

grondslag die Direkteur-generaal voorsien van 'n skedule wat die oordragsooreenkomste vir daardie toekennings ten aansien van elke provinsie of munisipaliteit wat sodanige toekenning gedurende daardie kwartaal ontvang in hooftrekke beskryf.

(2) Die ooreenkomste bedoel in subartikel (1) moet insluit—

- (a) die voorwaardes vir die toekenning;
- (b) die moniterings- en verslagdoeningsmeganismes vir die toekenning;
- (c) die geraamde datums vir oordragte van die toekenning; en
- (d) die geraamde finansiële implikasies in toekomstige jare,

wat voortspruit uit die projek wat deur die toekenning gefinansier is.

(3) Die oordrag van geld ten aansien van toewysings vir kapitaaltoekennings moet ooreenkomstig 'n betalingskedule geskied wat bepaal is deur die nasionale rekenpligtige beampte wat vir daardie toewysing verantwoordelik is, na oorlegpleging met die Direkteur-generaal, die tersaaklike provinsiale rekenpligtige beamptes en die hoofbeamptes van die betrokke provinsiale tesourieë.

(4) Geld wat na die provinsiale Inkomstefonds of 'n munisipale bankrekening oorgedra is vir kapitaalprojekte mag nie as aanvullende sekuriteit, pand of ander vorm van sekuriteit of vir enige ander doel as die doel in die oordragooreenkoms uiteengesit, gebruik word nie.

Aanvullende toewysing aan provinsies

10. (1) Behoudens subartikel (2) moet die toewysings aan provinsies in Bylae 3A uiteengesit ten opsigte van die item "Aanvullende toewysings aan provinsies" oorgedra word aan die provinsies in drie paalemente ooreenkomstig 'n betalingskedule wat deur die Direkteur-generaal bepaal word na oorlegpleging met die hoofbeamptes van die provinsiale tesourieë.

(2) Die eerste paalement moet nie later as 18 Julie 2000 betaal word nie, nadat—

- (a) daar in aanmerking geneem is of die provinsie sy finale begrotingsrekenings vir die afgelope boekjaar teen 18 Julie 2000 aan die Nasionale Tesourie voorgelê het; en
- (b) voldoening aan die aangepaste toekenningsooreenkomste wat aangegaan is tussen die provinsiale en die nasionale regering in Desember 1999 in aanmerking geneem is.

Terughou van betalings

11. (1) Die Direkteur-generaal kan met die instemming van die Minister gelas dat 'n betaling aan 'n munisipaliteit ingevolge artikel 5 of in Bylae 3B of 3C uiteengesit of 'n gedeelte van daardie betaling teruggehou word indien 'n munisipaliteit betrokke is in ernstige of volgehoue wesenlike oortreding van die maatreëls in artikel 216(1) van die Grondwet voorsien.

(2) Die Direkteur-generaal kan, met die instemming van die Minister en behoudens artikel 216 van die Grondwet, gelas dat—

- (a) 'n toewysing of enige deel daarvan bedoel in Bylae 3A of 3B, maar wat nie aan 'n munisipaliteit oorgedra word nie, of bedoel in Bylae 3C; of
- (b) 'n toewysing ingevolge artikel 16(1) goedgekeur,

teruggehou word indien die oordragings- nasionale beampte minstens 21 dae voor daardie paalement verskuldig is aan die betrokke provinsie 'n skriftelike verslag voorlê wat die feite uiteensit waaruit die ernstige en volgehoue wesenlike oortreding van die maatreëls in artikel 216(1) van die Grondwet voorsien, blyk: Met dien verstande dat behoudens subartikel (1) 'n aanvullende toewysing aan provinsies teruggehou kan word selfs indien geen verslag aan 'n provinsie gegee is nie.

(3) In die geval van getuienis van substantiewe nie-nakoming van die voorwaardes by 'n toekenning of die wanbestuur van die toekenning of enige ander vorm van finansiële wangedrag, moet die nasionale rekenpligtige beampte verantwoordelik vir die toekenning sodra daardie getuienis onder sy of haar aandag kom daardie nie-nakoming, wanbestuur of ander vorm van finansiële wangedrag aan die Direkteur-generaal rapporteer.

(4) Die Minister kan by kennisgewing in die *Staatskoerant* goedkeur dat geld of 'n gedeelte van geld wat ingevolge subartikel (1) teruggehou word, aangewend word om 'n munisipaliteit se uitstaande statutêre verpligtinge aan te spreek.

DEEL III

ALGEMEEN

Omskakeling van voorwaardelike toekennings, agentskapsbetalings en kapitaal-toekennings na ekwiteitsaandeel

12. Die Minister kan by kennisgewing in die *Staatskoerant* bepaal dat geld wat as 5
gevolg van die nie-nakoming deur die oordragings- nasionale beampte van die bepalings
van artikels 7, 8 en 9 nie na provinsies of munisipaliteite kan vloei nie, deel vorm van die
billike deel van inkomste wat aan provinsies of munisipaliteite toegewys staan te word.

Verslagdoening ten aansien van provinsiale oordrag van toekennings in 'n bylae by hierdie Wet uiteengesit 10

13. 'n Provinsiale rekenpligtige beampte wat geld aan 'n munisipaliteit oordra wat nie
in 'n bylae by hierdie Wet uiteengesit word nie, moet voor sodanige oordrag verslag
doen aan die tersaaklike hoofbeampte van 'n provinsiale tesourie wat dit kwartaalliks
aan die Direkteur-generaal moet voorlê, welke verslag uiteen moet sit—

- (a) die doel van die toewysing; 15
- (b) die bedrag van die toewysing;
- (c) aan wie die toewysing gedoen word;
- (d) die voorwaardes, indien enige, waaronder sodanige toewysing gedoen word;
en
- (e) inligting oor sy of haar verantwoordelikhede ten aansien van monitering van 20
en verslagdoening oor sodanige toekenning.

Wysiging van betalingskedere en oordragmeganisme

14. (1) Die Direkteur-generaal kan enige betalingskedere wysig in die belang van
verbeterde skuld- en kontantvloei bestuur na oorlegpleging met—

- (a) die persoon of persone met wie die Direkteur-generaal voor vasstelling van 25
daardie betalingskedere oorlegpleging moes pleeg; en
- (b) die nasionale rekenpligtige beampte wat vir daardie betaling verantwoordelik
is,

na gelang van die geval.

(2) Die Direkteur-generaal kan na oorlegpleging met die tersaaklike hoofbeamptes 30
van provinsiale tesourieë die oordragmeganisme van enige geld in Bylaes 3A, 3B of 3C
gelys of ingevolge hierdie Wet in die *Staatskoerant* gepubliseer, wysig, en so 'n
wysiging kan die verskuiwing van geld tussen Bylae 3A, 3B en 3C of die hertoewysing
van R293-dorpstoekenningsgeld insluit.

Oordragte foutiewelik gedoen 35

15. (1) 'n Oordrag wat foutiewelik aan 'n provinsie gedoen is, moet vir die doeleindes
van sy Inkomstefonds beskou word as nie deur die provinsiale regering ontvang te wees
nie en moet sonder versuim verhaal word deur die nasionale rekenpligtige beampte wat
vir die oordrag verantwoordelik is.

(2) Die Direkteur-generaal kan gelas dat die verhaling bedoel in subartikel (1) 40
bewerkstellig word deur verrekening teen oordragte aan die provinsie, wat andersins
betaalbaar sou raak ooreenkomstig die betalingskedere beoog in artikel 4(2) of ander
oordragte aan daardie provinsie.

(3) Geld wat foutiewelik aan 'n munisipaliteit oorgedra is, moet sonder versuim
verhaal word deur die nasionale rekenpligtige beampte wat vir die oordrag 45
verantwoordelik is.

(4) Die nasionale rekenpligtige beampte verantwoordelik vir plaaslike regering kan
gelas dat die verhaling in subartikel (3) bedoel, bewerkstellig word deur verrekening
teen oordragte aan die betrokke munisipaliteit, wat andersins betaalbaar sou raak
ooreenkomstig 'n betalingskedere. 50

Oordragte nie gelys in bylaes by hierdie Wet nie

16. (1) 'n Nasionale rekenpligtige beampte kan gedurende die boekjaar 'n oordrag aan

'n provinsie of munisipaliteit ten opsigte van 'n ander toewysing as 'n toewysing uiteengesit in die bylaes by hierdie Wet bewerkstellig slegs indien die Minister 'n kennisgewing in die *Staatskoerant* gepubliseer het waarin die toewysing goedgekeur word en waarin—

- (a) die doel van die toewysing vermeld word; 5
 - (b) die bedrag van die toewysing vermeld word;
 - (c) vermeld word aan wie die toewysing gedoen word; en
 - (d) voorwaardes waarop die toewysing gedoen word, indien daar is, vermeld word.
- (2) Indien 'n oordrag beoog in subartikel (1) gedurende 1 April 2000 en die datum 10 waarop hierdie Wet in werking tree, bewerkstellig word, moet—
- (a) die betrokke nasionale rekenpligtige beampte die Minister binne sewe dae na die datum waarop hierdie Wet in werking tree skriftelik van daardie oordrag verwittig; en
 - (b) die Minister sonder versuim 'n kennisgewing in die *Staatskoerant* publiseer 15 waarin die inligting uiteengesit in subartikel (1) vervat word.
- (3) By die toepassing van subartikel (1) sluit 'n toewysing ook enige agentskapsbetaling of enige ander betaling in ten opsigte van 'n werksaamheid wat deur 'n provinsie of munisipaliteit gadministreer word.
- (4) Toewysings ingevolge hierdie artikel moet voldoen aan die verslagdoenings- en 20 moniteringsmeganismes wat voorgeskryf word.

Oordragte aan munisipaliteite met swak administratiewe vermoëns

17. (1) Indien die nasionale rekenpligtige beampte verantwoordelik vir plaaslike regering redelikerwys van oordeel is dat 'n munisipaliteit nie in staat is om 'n toewysing of gedeelte daarvan na behore te administreer nie, kan hy of sy sodanige toewysing of 25 gedeelte oordra aan die provinsie waarin die munisipaliteit geleë is of 'n ander munisipaliteit na oorlegpleging met die betrokke munisipaliteit en provinsie.

(2) Enige toewysing of gedeelte daarvan wat ingevolge subartikel (1) aan 'n provinsie of munisipaliteit oorgedra is, moet deur die betrokke provinsie of munisipaliteit of die ander liggaam wat voorgeskryf word, gehanteer word ooreenkomstig enige lasgewings 30 wat deur daardie nasionale rekenpligtige beampte gegee is.

Oordragte aan munisipaliteite wat deur nuwe munisipaliteite vervang word

18. Enige toewysing ingevolge hierdie Wet aan 'n munisipaliteit of munisipaliteite wat ophou bestaan, word geag 'n toewysing te wees aan die munisipaliteit wat die verantwoordelikhede van die munisipaliteit wat ophou bestaan, aanvaar. 35

Daaropvolgende boekjaar

19. (1) Die Direkteur-generaal kan op die volgende wyse oordragte aan provinsies en munisipaliteite bewerkstellig ten opsigte van hul verwagte billike dele vir die volgende boekjaar en die volgende munisipale boekjaar:

- (a) 'n Bedrag gelyk aan 'n maksimum van 55 persent van die billike deel van elke 40 provinsie uiteengesit in Bylae 2 kan gedurende die eerste ses kalendermaande van die volgende boekjaar aan elke provinsie oorgedra word ooreenkomstig 'n betalingskedsule bepaal deur die Direkteur-generaal na oorlegpleging met die hoofbeamptes van die provinsiale tesourieë; en
 - (b) 'n bedrag gelyk aan 'n maksimum van 55 persent van die billike deel van 45 plaaslike regering uiteengesit in Bylae 1 kan gedurende die eerste ses kalendermaande van die volgende munisipale boekjaar ooreenkomstig 'n betalingskedsule deur die Direkteur-generaal bepaal na oorlegpleging met die nasionale rekenpligtige beampte verantwoordelik vir plaaslike regering oorgedra word na munisipaliteite aangewys deur die nasionale rekenpligtige 50 beampte verantwoordelik vir plaaslike regering.
- (2) Bedrae wat ingevolge subartikel (1) oorgedra is, word geag paaieimente te wees van die billike deel-toewysings van die provinsiale en plaaslike regeringsfere vir onderskeidelik die volgende boekjaar en die volgende munisipale boekjaar.
- (3) Die nasionale rekenpligtige beampte van 'n departement wat beoog om gedurende 55 die volgende boekjaar 'n toekenning beoog in artikel 214(1)(c) van die Grondwet toegewys te kry, moet nie later nie as 31 Augustus 2000 inligting rakende daardie toekenning aan die Direkteur-generaal voorlê.

Verdeling van inkomste-oordragte slegs ingevolge hierdie Wet

20. Ondanks enigiets tot die teendeel in enige ander wet word die toewysings waarvoor in hierdie Wet voorsiening gemaak word slegs ingevolge hierdie Wet oorgedra en rekenskap vir sodanige toewysings is onderworpe aan die nasionale wetgewing beoog in artikel 216(1) van die Grondwet.

5

Nie-nakoming van hierdie Wet maak finansiële wangedrag uit

21. (1) Enige ernstige of volgehoue wesenlike nie-nakoming van die bepalings van hierdie Wet of die voorwaardes van enige toekenning ingevolge hierdie Wet maak finansiële wangedrag ingevolge die nasionale wetgewing beoog in artikel 216(1) van die Grondwet uit en moet, behoudens subartikels (2) en (3), ingevolge daardie nasionale wetgewing of enige ander toepaslike wet gehanteer word.

10

(2) Voordat 'n aanklag van finansiële wangedrag beoog in subartikel (1) teen enigiemand ingebring kan word, moet die Direkteur-generaal die Minister en die uitvoeringsgesag verantwoordelik vir die departement, provinsiale departement of funksionele terrein waarin daar na bewering finansiële wangedrag plaasgevind het, voorsien van die name van beamptes betrokke by die beweerde finansiële wangedrag, die besonderhede van sodanige beweerde finansiële wangedrag en die aanklagte aanbeveel wat teen sodanige beamptes ingebring moet word.

15

(3) Ondanks subartikel (1), maar behoudens die nasionale wetgewing beoog in artikel 216(1) van die Grondwet of enige ander toepaslike wet, kan die Minister na oorlegpleging met die toepaslike uitvoeringsgesag, bepaal dat die gedrag beoog in subartikel (1) nie finansiële wangedrag uitmaak nie.

20

Bepaling van oordragte ten opsigte van afgelope boekjaar as synde ingevolge die Wet op die Verdeling van Inkomste, 1999

22. (1) Behoudens subartikel (2) word 'n oordrag aan 'n provinsie of munisipaliteit of 'n agentskapsbetaling ten opsigte van die afgelope boekjaar, wat ingevolge die Wet op die Verdeling van Inkomste, 1999, gedoen moes geword het, maar nie aldus gedoen is nie, geag gedoen te wees ingevolge daardie Wet.

25

(2) Die President kan by proklamasie in die *Staatskoerant* en na oorlegpleging met die Minister die oordrag of agentskapsbetaling bepaal wat ingevolge subartikel (1) geag word gedoen te wees ingevolge die Wet op die Verdeling van Inkomste, 1999.

30

Regulasies

23. Die Minister kan by kennisgewing in die *Staatskoerant* regulasies uitvaardig betreffende—

- (a) enigiets wat ingevolge hierdie Wet voorgeskryf moet of kan word; en
- (b) enige aangeleentheid wat nodig is om voorgeskryf te word vir die doeltreffende implementering van die bepalings en oogmerke van hierdie Wet.

35

Kort titel

24. Hierdie Wet heet die Wet op die Verdeling van Inkomste, 2000.

BYLAE 1

Billike verdeling tussen die drie regeringsfere van inkomste wat nasionaal ingevorder is

Sfeer	Deel (R 000)
Nasionaal	88 688 048
Provinsiaal	94 408 341
Plaaslik	1 867 000

BYLAE 2

**Vasstelling van elke provinsie se billike deel van die provinsiale sfeer se deel van inkomste wat nasionaal ingevorder is
(as 'n regstreekse las teen die Nasionale Inkomstefonds)**

Provinsie	Toewysing (R 000)
Oos-Kaap	16 451 931
Vrystaat	6 407 739
Gauteng	14 234 920
KwaZulu-Natal	18 894 363
Mpumalanga	6 423 250
Noord-Kaap	2 302 133
Noordelike Provinsie	12 625 853
Noordwes	8 009 019
Wes-Kaap	9 059 151

BYLAE 3A
Toekennings aan provinsies

Begrotingspos	Naam van toekenning	Doel	Totaal R'000	Provinsiale Toewysings	Bedrag R'000	Bykomende Voorwaardes
Onderwys (Begrotingspos 8)	Finansiële Bestuurs- en Gehalteverbetering vir Onderwysdepartemente	Om finansiële bestuurs- en gehalteverbeteringsinisiatiewe in skoolonderwys te ondersteun	202 000	Oos-Kaap Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	38 854 12 096 23 616 45 765 14 016 3 648 33 477 15 360 15 168	
Finansies (Begrotingspos 10)	Aanvullende toewysings aan provinsies	Om provinsiale inkomste aan te vul ter ondersteuning van verbetering in finansiële bestuurs- en begrotingspraktyk	2 212 000	Oos-Kaap Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	389 622 148 303 322 358 451 032 152 522 51 809 305 049 185 803 205 502	1) Die provinsie se Begrotingswet vir die boekjaar moet voldoende finansiering van geproekteerde uitgawe vir gesondheid, onderwys en welsyn insluit en moet voldoende stappe insluit wat gedoen gaan word om die invordering van eie inkomste te verbeter. 2) Die provinsie moet voldoen aan algemeen erkende finansiële bestuurspraktyke, interne beheermaatreëls, tesourienorme en standaarde, leningsreëls en ander wetgewing. 3) Die provinsie moet voldoen aan ooreenkomste van die Begrotingsraad en voldoen aan sperdatums vir die begrotingsproses. 4) Die provinsie moet die inligting wat die Minister vereis betyds en in die voorgeskrewe formaat voorsien, met ingegrip van die maandelikse vroeë waarskuwingsverslae en inligting met betrekking tot die 2001/02-begroting, ten einde deursigtigheid en doeltreffende monitering te vergemaklik.
Gesondheid (Begrotingspos 13)	(a) Sentrale Hospitale	Om sentrale gesondheidsdienste te ondersteun	3 112 000	Oos-Kaap Vrystaat Gauteng KwaZulu-Natal Wes-Kaap	13 000 237 538 1 492 868 406 645 961 949	

Begrotingspos	Naam van toekenning	Doel	Totaal R'000	Provinsiale Toewysings	Bedrag R'000	Bykomende Voorwaardes
	(b) Professionele opleiding en navorsing	Om, met betrekking tot gesondheid, professionele opleiding en navorsing te ondersteun	1 174 000	Oos-Kaap Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	52 830 84 528 503 646 146 750 23 480 23 480 23 480 23 480 292 326	
	(c) Herverdeling van Gespesialiseerde Gesondheidsdienste	Om die herverdeling van tersiêre dienste aan provinsies wat dit nie tans voorsien nie, te finansier	176 000	Oos-Kaap Mpumalanga Noord-Kaap Noordelike Provinsie Noordwes	35 510 44 804 16 458 45 296 36 932	
	(d) Durbanse Akademiese Hospitaal	Om die oprigting en ontwikkeling van die Durbanse Akademiese Hospitaal te finansier (kapitaaltoekenning)	273 000	KwaZulu-Natal	273 000	
	(e) Rehabilitasie van Hospitale	Om die rehabilitasie van hospitale te finansier (kapitaaltoekenning)	400 000	Oos-Kaap Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	84 000 31 000 55 000 70 000 35 000 7 000 52 000 40 000 26 000	
	(f) Geïntegreerde voedingsprogramme		582 411	Oos-Kaap Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	131 838 39 394 54 673 132 471 39 728 10 096 106 032 39 390 28 789	

Begrotingspos	Naam van toekenning	Doel	Totaal R'000	Provinsiale Toekennings	Bedrag R'000	Bykomende Voorwaardes
Behuising (Begrotingspos 15)	(a) SA Behuisingsfonds	Om kapitaal-behuisingsprogramme te finansier (kapitaaltoekenning)	2 997 680	Oos-Kaap Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	422 178 218 306 718 904 587 650 173 461 58 125 257 021 220 569 341 466	
	(b) Herontwikkelings-programme ten opsigte van menslike vestigings	Om die gehalte van stedelike ontwikkeling te verbeter	20 000	Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	1 700 3 500 3 000 500 1 200 1 000 100 9 000	
	(c) Hervestiging: Doornkop	Hervestiging van Doornkop-gemeenskap (kapitaal-toekenning)	3 000	Gauteng	3 000	
Provinsiale en Plaaslike Regering (Begrotingspos 22)	R293-dorpe personeel toekenning	Om personeeloonkoste ten aansien van R293-dorpe se personeel te finansier	463 000	Oos-Kaap Vrystaat KwaZulu-Natal Mpumalanga Noordelike Provinsie Noordwes	59 936 68 101 142 870 36 015 106 319 49 759	1) Die provinsie moet onderneem om die volle onkoste te betaal wat voortspruit uit al die salarisverhogings wat van krag word voor die datum waarop die personeel na die munisipaliteit oorgeplaas word. 2) Die provinsie moet aan die nasionale rekenpligtige beampte vir plaaslike regering teen 14 Mei 'n volledige verslag voorlê wat die name van die R293-personeel, hulle range, standplaas en vergoeding soos gelys in PERSAL en elders soos op 31 Maart 2000 uitstippel, wat: (a) na munisipaliteite oorgeplaas is; (b) geïdentifiseer is vir oorpasing na 'n geïdentifiseerde munisipaliteit; en (c) deur die provinsie behou word.

Begrotingspos	Naam van toekenning	Doel	Totaal R'000	Provinsiale Toekennings	Bedrag R'000	Bykomende Voorwaardes
						3) Die provinsie moet 'n maandelikse verslag voorlê nie later nie as 7 dae na die einde van elke maand, beginnende April tot die gestipuleerde sperdatum vir oorplasings en met vermelding van die vordering wat met elk van die personele gemaak is wat in (2)(b) hierbo geïdentifiseer is in die maand wat eindig en die verwagte maandelikse toewysing vereis vir die personeel geïdentifiseer in paragrawe (2)(a) en (b) in die volgende maand. 4) Die nasionale rekenpligtige beampte verantwoordelik vir plaaslike regering moet na ontvangs van die maandelikse verslag die toekenning aan die provinsie of munisipaliteit vir die betrokke maand oorplaas. 5) Die nasionale rekenpligtige beampte verantwoordelik vir plaaslike regering kan geld regstreeks oorplaas na 'n munisipaliteit waarheen personeel oorgeplaas is. 6) Die provinsie om geld oor te plaas vir oorgeplaasde personeel na munisipaliteite ingevolge 'n ooreenkoms met die nasionale rekenpligtige beampte.
Welsyn (Begrotingspos 35)	Kindersorgimplementeringstoekenning	Om 'n bemagtigende omgewing vir die opneemtempo van die kindersorgtoekenning te voorsien	16 900	Oos-Kaap Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	3 200 900 1 000 3 400 500 900 4 000 1 000 2 000	

BYLAE 3B
Toekennings vir Plaaslike Regeringswerkzaamhede

Begrotingspos	Naam van toekenning	Doel	Oorplasmingsmeganisme		Totaal R'000	Toewysing	Bedrag R'000	Bykomende Voorwaardes
			Oorplasmingsdept	Munisipaal		Provinsie		
Finansies (Begrotingspos 10)	a) Finansiële bestuurtoekenning ten opsigte van Plaaslike Regering	Om finansiële bestuursvermoë in munisipaliteite te bou en begrotingshervormings te loods	Geld moet oorgedra word aan munisipaliteit deur die nasionale departement	Voorwaardelike toekenning moet ingesluit word in munisipale begroting	50 000	Nie toegewys nie		1) 'n Kategorie A- en C- munisipaliteit wat ingestem het om 'n munisipale bestuurder en hoof van finansies aan te stel om voor te berei vir die nuut afgebakende munisipaliteit kan om hierdie geld aansoek doen. 2) Kategorie B-munisipaliteite met begrotings wat R300 miljoen oorskry, kan ook aansoek doen, behoudens voorwaarde (1). 3) Munisipaliteite moet aan die Direkteur-generaal voorlê wat sy planne om finansiële bestuur te verbeter uitstippel, of om begrotingshervormings te loods.
	b) Hersamestellingtoekenning ten opsigte van Plaaslike regerings	Om munisipaliteite met hersamestelling behulpsaam te wees	Geld moet oorgedra word aan munisipaliteit deur die nasionale departement	Voorwaardelike toekenning moet ingesluit word in munisipale begroting	300 000	Nie toegewys nie		1) 'n Munisipaliteit wat 'n fiskale krisis in die gesig staar wat 'n aansienlike bedreiging vir die nasionale ekonomiese stabiliteit inhou, kan om hierdie toekenning aansoek doen. 2) Sodanige munisipaliteit moet aantoon dat hy aansienlike stappe gedoen het vir 'n tydperk van minstens 6 maande ten einde sodanige fiskale wanbalans aan te pak, insluitende die doen van genoegsame stappe om inkomste wat aan hom verskuldig is in te vorder. 3) Sodanige munisipaliteit moet by die Direkteur-generaal aansoek doen deur die voorlê van 'n hersamestellingsplan wat deur sy Raad goedgekeur is, tesame met enige ander dokumente wat die Direkteur-generaal verlang. 4) Die Direkteur-generaal kan administrasiegelde hef van tot R200 000 ten einde die koste te dek om 'n plan te waardeer.

Begrotingspos	Naam van toekenning	Doel	Oorplasingsmeganisme		Totaal R'000	Toewysing	Bedrag R'000	Bykomende Voorwaardes
			Oorplasingsdept	Munisipaal		Provinsie		
Provinsiale en Plaaslike Regering (Begrotingspos 22)	a) Gekonsolideerde Munisipale infrastruktuur-program	Om die grootste deel van die inhoud, verbinder en binne-infrastruktuur van gemeenskapsdienste en fasiliteite vir lae-inkomste-huishoudings te verskaf		Voorwaardelike toekenning wat in munisipale begroting ingesluit moet word	883 000	Oos-Kaap Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	145 302 58 820 168 874 186 283 56 432 19 834 90 022 70 710 86 724	1) Kapitaaltoekenning. 2) Voorlegging aan nasionale rekenpligtige beampte verantwoordelik vir plaaslike regering deur munisipale raad wat elke regeringsprojek by besluit goedkeur. 3) 'n Maksimum van 3.5% van 'n ooreengekome bedrag van elke provinsie se toewysing kan deur die provinsie vir program-bestuurdienste gebruik word.
	b) Plaaslike Regerings-ondersteunings-toekenning	Om bystand aan munisipaliteite te verleen en om munisipale strukturele aanpassings-programme te finansier			150 000	Nie toegewys nie		1) Die nasionale rekenpligtige beampte verantwoordelik vir plaaslike regering moet die verdeling tussen die provinsiale en plaaslike sferes bepaal na oorleg met Sapro. 2) Geld moet regstreeks aan 'n munisipaliteit of aan 'n distriksraad of provinsie oorgedra word.
	c) Maatreëls ten opsigte van Maatskaplike Plan	Om finansiering vir plaaslike ekonomiese hervormingstudies in gebiede wat deur grootskaalse afdankings geraak word te verskaf		Voorwaardelike toekenning aan munisipaliteite	2 550	Nie toegewys nie		1. Munisipaliteite moet by die nasionale rekenpligtige beampte aansoek doen.

BYLAE 3C
Agentskaps- en Ander Toekennings teen nasionale begroting

Begrotingspos	Naam van toekenning	Doel	Soort Toekenning	Totaal R'000	Toewysing	Bedrag R'000	Bykomende Voorwaardes
Vervoer (Begrotingspos 33)	Bussubsidies		Agentskapsbetaling	1 409 269	Oos Kaap Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	46 263 78 239 577 235 274 499 125 746 5 385 77 558 33 362 190 982	
Water (Begrotingspos 34)	Watervoorziening- en Sanitasie- Kapitaalprogram	Om die kapitaalinfrastruktuur vir basiese waterdienste te verskaf waar plaaslike owerhede tans nie oor sodanige vermoë beskik nie	Kapitaaltoekenning <i>in natura</i> aan munisipaliteite	609 151	Oos Kaap Vrystaat Gauteng KwaZulu-Natal Mpumalanga Noord-Kaap Noordelike Provinsie Noordwes Wes-Kaap	150 463 10 945 2 356 166 102 99 191 4 379 121 938 50 552 3 225	1. Geld mag slegs vir nuwe projekte toevertrou word sodra 'n formele ooreenkoms bereik is tussen die nasionale rekenpligtige beampte vir wateraangeleenthede en die munisipaliteit betreffende die verdeling van verantwoordelik vir voortgesette finansiële verantwoordelikhede ten aansien van die betrokke projek. Sodanige ooreenkoms moet aan die nasionale rekenpligtige beampte voorgelê word voor begin word met die projek. 2. 'n Maksimum van 5% van die toewysing kan vir nasionale en streeksprogrambestuurs-dienste gebruik word. 3. Die nasionale rekenpligtige beampte moet 'n lys van alle sodanige ooreenkomste en toewysings aan die Direkteur-generaal op 'n kwartaallikse grondslag voorlê.

BYLAE 3C
Toekennings wat nog tussen sferre verdeel moet word

Begrotingspos	Naam van toekenning	Doel	Oordragmeganisme	Totaal R'000	Provinsiale Toekenning	Bedrag R'000	Bykomende Voorwaardes
Finansies (Begrotingspos 10)	Infrastruktuurtoekenning	Om provinsiale infrastruktuur soos paaie en skoolgeboue te finansier	'n Toewysing aan 'n provinsie sal 'n Bylae 3A-toekenning wees	300 000	Nie toegewys nie		
Behuising (Begrotingspos 15)	Die uitbou van vermoë vir Provinsiale & Plaaslike Regering	Om die uitbou van vermoë en vaardighede by personeel te finansier		10 000	Nie toegewys nie		
Grondsake (Begrotingspos 20)	Grondontwikkelings-oogmerke	Om die strategiese bestuursvermoë van munisipaliteite te verbeter		43 525	Nie toegewys nie		1. Geld moet met die instemming van die nasionale rekenpligtige beamppte vir plaaslike regering en die Direkteur-generaal toegeken word om koördinasie met ander toekennings ten opsigte van die uitbou van vermoë en beplanning te verseker. 2. Geld kan oorgeplaas word na programme onder die plaaslike regering se finansiële bestuurtoekenning of ondersteuningstoekenning by lasgewing deur die Direkteur-generaal met die instemming van die nasionale rekenpligtige beampptes van grondsake en plaaslike regering.
Openbare Werke (Begrotingspos 26)	Gemeenskapsgebaseerde openbare werke programme	Om armoedeverligtingsprojekte te finansieer		274 000	Nie toegewys nie		1. Kapitaaltoekenning. 2. Finansiering vir toekennings aan provinsies of munisipaliteite. Programme vir kapitaal-en/of werkskeppingsaktiwiteite.
Staatsbesteding (Begrotingspos 31)	Finansiële en personeel bestuurstelsel-ondersteuning	Om die gehalte van finansiële bestuur in die regering te verbeter	'n Toewysing aan provinsies sal 'n Bylae 3A-toekenning wees	100 000	Nie toegewys nie		
Welsyn (Begrotingspos 35)	Finansiële Bestuur van Bestaansbeveiligingstelsels	Om die gehalte van finansiële bestuur in die bestaansbeveiligingstelsels te verbeter en om bedrog in die stelsel uit te skakel		50 000	Nie toegewys nie		

